



Umusa kaMaṭodzi

Tshedza Tlhako

Busisiwe Ndlovu





Kwakukhona intombazane igama layo
kunguMaṭodzi.

UMaṭodzi wayehlala nomama nogogo wakhe.



Ngelinye ilanga, umama wakhe wamthuma ukuba ahambise umbiko kumalumekazi wakhe owayehlala kwenye indawo.

“Ubohamba ngendlela esivame ukuhamba ngayo,” kusho umama wakhe emkhumbuza.



Nebala uMaṭodzi wahamba ngendlela ababevame ukuhamba ngayo uma beya kwamalumekazi wakhe. Wafika wawedlulisa umbiko.

Esesendleleni ebuyayo, wezwa izwi elikhulumela phansi lithi, “Ngicela ungisize.”



UMatodzi waqalaza wabona inkosikazi eyayilele eceleni komgwaqo.

Wayibingelela futhi wayibuza, “Ulaleleni lapha?”



Inkosikazi yaphendula yathi, “Ngiphelelwa amandla futhi ngiyagula kanti ekhaya kusekude kakhulu.”

UMatodzi wazizwa enozwelo nenkosikazi.



Wathi kunkosikazi, “Ngizohamba nawe ngiye ekhaya kithi ngoba kuseduze.”

UMatodzi wayilekelela inkosikazi ukuthi isukume. Bahamba kancane baze bayofika kubo.



UMatodzi nomama wakhe kanye nogogo wakhe bayinakekela inkosikazi yaze yaba ngcono.



Yabonga kakhulu inkosikazi ngosizo abayinikeza lona.

Yamncoma uMaṭodzi ngesibindi sakhe nokukwazi ukunakekela abanye abantu.



Inkosikazi yathi kuMaṭodzi nomndeni wakhe,
“Angisoze ngakhohlwa eningenzele khona.

Emva kwezinsuku ezintathu, ngifuna ningitshele
izinto ezimbili eziyizifiso zenu.”



Emva kwezinsuku ezintathu, uMaṭodzi nomndeni wakhe bayitshela inkosikazi ngezifiso zabo ezimbili.

Isifiso sabo sokuqala kwakungukuba bathole umuzi omuhle.



Isifiso sabo sesibili kwakuwukuthi bathole ihlathi eliseduze nomuzi wabo ukuze bangayi kude uma beyotheza.

Zombili lezi zifiso zabo zafezeka, njengoba inkosikazi yayithembisile.



UMatodzi nomndeni wakhe baziphilela impilo emnandi emzini wabo omuhle futhi onehlathi eliseduze.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Umusa kaMaṭodzi

Author/s: Tshedza Tlhako

Translator/s: Zanele Zuma

Illustrator/s: Busisiwe Ndlovu

Assurer/s: Zanele Ndlovu

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

